



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

## *INFORMACIJA*

*o realizaciji Odluke o pristupanju projektu osnivanja naučno – istraživačke  
infrastrukture „Tech4Green“ – izrada elaborata o ekonomskoj opravdanosti  
projekta*

**Predlagač: Predsjedavajući Gradskog vijeća  
u funkciji gradskog vijećnika**

*Sarajevo, decembar 2023. godine*

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** [gsgv@sarajevo.ba](mailto:gsgv@sarajevo.ba)  
**Web:** [gradskovijece.sarajevo.ba](http://gradskovijece.sarajevo.ba)



## INFORMACIJA

### o realizaciji Odluke o pristupanju projektu osnivanja naučno – istraživačke infrastrukture „Tech4Green“ – izrada elaborata o ekonomskoj opravdanosti projekta

#### I. Uvod

Gradsko vijeće Grada Sarajeva je na prijedlog predsjedavajućeg Gradskog vijeća, na 29. sjednici, održanoj dana 26.06.2023. godine, donijelo Odluku o pristupanju Projektu osnivanja naučno-istraživačke infrastrukture „Tech4Green“.

Ovom Odlukom je uređen način pristupanja Grada Sarajeva Projektu osnivanja naučno-istraživačke infrastrukture „Tech4Green“, način upravljanja, uzajamni odnosi uključenih strana i finansiranje obaveza Grada Sarajeva u cilju realizacije Projekta.

Od tada se odvijaju aktivnosti s ciljem stvaranja naučnih i stručnih te organizacionih, prostornih, materijalnih, finansijskih i drugih uslova za realizaciju projekta.

Putem Informacije o realizaciji Odluke o pristupanju Projektu osnivanja naučno-istraživačke infrastrukture „Tech4Green“ koju je Gradsko vijeće Grada Sarajeva razmatralo na oktobarskoj sjednici, gradski vijećnici su detaljnije upoznati sa razvijanjem projekta. U povodu razmatranja ove informacije, Gradsko vijeće je usvojilo i zaključke usmjerene ka završavanju objekta Vidikovac na Trebeviću, odnosno stvaranja uslova za prostorni smještaj budućeg centra. Izrada elaborata koji se dostavlja Gradskom vijeću uz ovu informaciju, dalji je korak u realizaciji odluke Gradskog vijeća.

#### II. Izrada elaborata o ekonomskoj opravdanosti projekta

Između ostalog, Odlukom o pristupanju Projektu osnivanja naučno-istraživačke infrastrukture „Tech4Green“ („Službene novine Kantona Sarajevo“, broj, 30/23), određena je obaveza izrade elaborata o organizaciji i ekonomskoj opravdanosti projekta, a zatim upoznavanje Gradskog vijeća sa elaboratom.

S ciljem realizacije ove obaveze, nabavljen je Elaborat o isplativosti, opravdanosti i organizaciji projekta osnivanja naučno-istraživačke infrastrukture „Tech4Green“. Elaborat je izradio naučno-istraživački institut za biomedicinski inženjering, medicinske uređaje i vještačku inteligenciju „Verlab“.

---

Iz zaključaka Elaborata koji je priložen ovoj informaciji, ovdje se izdvaja sljedeće: „..... analiza isplativosti projekta Tech4Green nedvojbeno potvrđuje njegov značajan potencijal za unaprjeđenje ekonomske i društvene klime regije, istovremeno pružajući snažan impuls jačanju konkurentnosti unutar Europske unije. Filozofija koja stoji iza ovog infrastrukturnog projekta, koja ističe važnost transparentnosti i dostupnosti infrastrukture javnosti, čini ga ključnim pokretačem turističke ponude Sarajeva. Uz to, fokusiranost na promociju naučnih dostignuća u kontekstu očuvanja okoliša i prirodnih resursa odražava posvećenost dugoročnoj održivosti i podizanju ekološke svijesti. S obzirom na sve navedeno, projekt se ističe kao kritičan faktor napretka lokalne zajednice, značajan katalizator daljnjeg razvoja istraživanja i inovacija te ključni pokretač podizanja svijesti o važnosti očuvanja okoliša i primjene naučnih spoznaja za društvenu dobrobit.“